

SET B
BAHASA MELAYU
1 jam



02/1

MAJLIS PENGETUA SEKOLAH MALAYSIA (MPSM)
NEGERI KEDAH DARUL AMAN

MODUL PENINGKATAN PRESTASI AKADEMIK PENILAIAN MENENGAH RENDAH 2013

BAHASA MELAYU
KERTAS 1

Satu jam

JANGAN BUKA KERTAS SOALAN INI SEHINGGA DIBERITAHU

1. *Kertas soalan ini mengandungi **40** soalan.*
2. *Jawab **semua** soalan.*
3. *Tiap-tiap soalan diikuti oleh empat pilihan jawapan, iaitu **A, B, C dan D**. Bagi setiap soalan, pilih **satu** jawapan sahaja. **Hitamkan** jawapan anda pada kertas jawapan objektif yang disediakan.*

Kertas soalan ini mengandungi 12 halaman bercetak.

[Lihat halaman sebelah

Soalan 1 - 7

Lengkapkan ayat-ayat yang berikut dengan memilih jawapan yang paling sesuai.

- 1 Apabila _____ sahaja peristiwa ngeri itu, Pak Mail akan menangis sendirian.
 - A termangu
 - B terngiang
 - C terimbas
 - D terkenang

- 2 Ah Leong akan menyertai pertandingan _____ sotong di Pulau Aman pada minggu hadapan.
 - A mencandat
 - B memukat
 - C memancing
 - D menyauk

- 3 Baginda Sultan _____ untuk menghadiri majlis anugerah cemerlang sekolah itu.
 - A bersetuju
 - B berkenan
 - C bersedia
 - D bersiap

- 4 Ibu membeli _____ petai untuk dijadikan ulam makan tengah hari.
 - A secekak
 - B selonggok
 - C seikat
 - D setangkai

- 5 Suasana di rumah Puan Shanti _____ dengan suara cucu-cucunya yang pulang bercuti.
 - A riuh-rendah
 - B kucar-kacir
 - C kelam-kabut
 - D huru-hara

- 6 Puan Mei Lin berasa _____ akan nasib anaknya yang hilang sejak dua hari lepas.
- A kecewa
B hairan
C keliru
D risau
- 7 Para penonton yang hadir terhibur _____ persembahan kumpulan nasyid itu.
- A oleh
B dengan
C akan
D atas

Soalan 8 – 14

Ayat-ayat yang berikut mungkin betul dan mungkin salah. Jika terdapat kesalahan, kesalahan itu telah ditandakan dengan A, B atau C dan jika tiada kesalahan telah ditandakan dengan D.

Pilih jawapan yang paling sesuai.

- 8 Majalah-majalah yang bertimbun-timbun itu kami baca. Tiada kesalahan.
- A B C D
- 9 Umar seorang ahli sukan yang sangat handal sekali dalam acara melempar cakera. Tiada kesalahan.
- A B C D
- 10 Khalid gemar mencampur aduk masalah ditempat kerja dengan masalah peribadinya. Tiada kesalahan.
- A B C D
- 11 Setelah sedar akan kesilapan mereka, Bee Yun dan Ganesh mengaku salah lalu saling memaafi. Tiada kesalahan.
- A B C D

[Lihat halaman sebelah

- 12 Pada masa kini, ramai remaja tergila-gila untuk memiliki telefon bimbit kerana harganya yang murah. Tiada kesalahan.
A B C D
- 13 Pasukan sukarela itu akan berlepas ke Gaza demi untuk membantu rakyat Palestin. Tiada kesalahan.
A B C D
- 14 Akhirnya, Doktor Ammar kembali juga ke tanah airnya setelah bertahun berkhidmat di luar negara. Tiada kesalahan.
A B C D

Soalan 15 – 17

Pilih ayat-ayat yang menggunakan **perkataan berhuruf condong** dengan betul.

- 15 I Lalang di belakang rumah telah saya *sabit*.
II Chong akan dihukum penjara jika *sabit* kesalahan.
III Kakinya luka kerana terkena *sabit* yang tajam.
IV “Jangan *sabit* dia dalam pergaduhan antara kita,” kata Gopal.
A I dan II
B III dan IV
C I, II dan III
D II, III dan IV
- 16 I Pak Hashim *mencucuk* tandan kelapa sawit yang telah masak di kebunnya.
II Perompak itu telah *mencucuk* mangsanya dengan sebilah pisau.
III Sikap Maniam yang suka *mencucuk* rakan-rakannya menyebabkan dia dipulau oleh mereka.
IV Siti Khadijah menggunakan lidi untuk *mencucuk* rojak jambu itu.
A I dan II
B III dan IV
C I, II dan III
D II, III dan IV

- 17
- I Bekas itu *lompong* apabila dibuka oleh Asrul.
 - II Dengan perasaan *lompong* peminta sedekah itu beredar dari pekarangan rumah orang kaya itu.
 - III Koceaknya *lompong* kerana dia tidak berduit.
 - IV Pokok itu *lompong* kerana tidak disirami.
- A I dan II
 - B III dan IV
 - C I, II dan III
 - D II, III dan IV

Soalan 18 – 21

Bahagian yang bergaris dalam ayat-ayat yang berikut mungkin mengandungi kesalahan bahasa dan mungkin juga tidak.

Tandakan sama ada A, B atau C jika ayat itu mengandungi kesalahan dan tandakan D jika tiada kesalahan.

- 18 Kuih-muih dan makanan yang dijual di Luqman Restoran sangat sedap.
- A Luqman Restoran sedap sekali
 - B Restoran Luqman sangat sedap
 - C Restoran Luqman tersedap sekali
 - D Luqman Restoran sangat sedap
- 19 Dari pagi hingga ke petang kakak menanti adik di perhentian bas.
- A Dari pagi hingga petang
 - B Daripada pagi hingga ke petang
 - C Daripada pagi ke petang
 - D Dari pagi hingga ke petang
- 20 Bilik darjah yang kotor ini mesti disapu oleh kamu sebelum pembelajaran bermula.
- A kamu mesti sapu
 - B mesti kamu sapu
 - C disapu oleh kamu mesti
 - D mesti disapu oleh kamu

[Lihat halaman sebelah

- 21 Rancangan Bersamamu berjaya mempertemukan dua beradik yang terpisah selama sepuluh tahun.
- A menemui dua beradik
 - B mempertemu dua beradik
 - C menemukan dua beradik
 - D mempertemukan dua beradik

Soalan 22 – 24

Pilih ayat yang mempunyai maksud yang sama atau maksud yang paling hampir dengan ayat yang dicetak tebal.

- 22 **Peperangan yang terjadi bukan sahaja memusnahkan kedaulatan dan maruah sesebuah negara, malahan jiwa mangsa juga tertekan.**
- A Kedaulatan dan maruah sesebuah negara bukan sahaja akan hancur, malahan jiwa rakyatnya tertekan akibat peperangan.
 - B Peperangan akan menjatuhkan maruah dan kedaulatan negara tersebut, selain jiwa mangsanya yang menderita.
 - C Faktor utama kejatuhan maruah dan kedaulatan serta penderitaan mental rakyat sesebuah negara ialah peperangan.
 - D Penderitaan jiwa serta kedaulatan dan maruah negara akan hancur akibat daripada peperangan yang berlaku dalam negara tersebut.
- 23 **Walaupun Puan Shakin bukanlah orang kaya, namun perbelanjaan pengajian anak-anaknya di universiti akan ditanggungnya sendiri.**
- A Puan Shakin akan menanggung sendiri perbelanjaan pengajian anak-anaknya sungguhpun dia bukan orang kaya.
 - B Puan Shakin dan anak-anaknya akan menanggung sendiri perbelanjaan pengajian mereka di universiti.
 - C Perbelanjaan pengajian anak-anak Puan Shakin di universiti akan ditanggungnya meskipun dia bukanlah orang kaya.
 - D Perbelanjaan pengajian anak-anak Puan Shakin di universiti akan ditanggung sendiri olehnya.

24 **Kebanjiran pendatang asing ke Malaysia telah menimbulkan reaksi kurang senang dalam kalangan rakyat tempatan.**

- A Rakyat tempatan kurang menyenangi kebanjiran rakyat asing ke Malaysia.
- B Rakyat tempatan membangkitkan sikap kurang senang dengan limpahan pendatang asing ke Malaysia.
- C Limpahan pendatang asing ke Malaysia kita tidak disukai oleh rakyat tempatan.
- D Pendatang asing kurang disenangi kebanjirannya berdasarkan reaksi rakyat tempatan.

Soalan 25 – 27

Pilih ayat-ayat yang betul.

- 25
- I Pertandingan drama mendapat sambutan menggalakkan daripada murid-murid.
 - II Permohonan lawatan sambil belajar ke Kuala Lumpur telah diluluskan pengetua.
 - III Mereka membersihkan bilik membaca itu pada waktu malam.
 - IV Rosmadi menjadi ketua kepada pasukan bola sepak sekolahnya.
- A I dan II
 - B III dan IV
 - C I, II dan III
 - D II, III dan IV
- 26
- I Banyak sisa buangan kilang didapati tersorok di dalam gudang lama tersebut.
 - II Cikgu Maya geram apabila melihat telatah pelajarannya yang mengada-ngada itu.
 - III Orang ramai berasa sedih dengan tragedi yang memilukan itu.
 - IV Ibu bapa perlu memainkan peranan penting terhadap kebajikan anak-anak.
- A I dan II
 - B III dan IV
 - C I, II dan III
 - D II, III dan IV

[Lihat halaman sebelah

- 27
- I Cikgu Veloo mengajarkan Bahasa Melayu sejak 20 tahun yang lalu.
 - II Farid belum biasa sampai ke Pulau Pinang.
 - III Para pelancong terpesona oleh keindahan Taman Laut Pulau Payar .
 - IV Hayati memberitahu bahawa dia ketakutan bila bersendirian di rumah.
-
- A I dan II
 - B III dan IV
 - C I, II dan III
 - D II, III dan IV

Soalan 28 – 30

Pilih peribahasa atau maksud peribahasa yang paling sesuai.

- 28 Walaupun Ah Meng seorang pendiam, namun prestasinya dalam pelajaran amat membanggakan.
Peribahasa yang sesuai untuk kenyataan di atas ialah
- A sehari selembat benang lama-lama menjadi kain.
 - B sedikit-sedikit lama-lama menjadi bukit.
 - C kalau tiada angin, masakan pokok bergoyang
 - D diam-diam ubi berisi, diam-diam penggali berkarat.
- 29 Sikap merendah diri pengurus itu disenangi oleh pekerjaanya dan beliau dihormati oleh mereka. Baginya,
- A ikut resmi padi semakin tunduk semakin berisi.
 - B di mana bumi dipijak, di situ langit dijunjung.
 - C benih yang baik jatuh ke laut menjadi pulau.
 - D ular menyusur akar tidak akan hilang bisanya.
- 30 Mak Cik Bedah sedih apabila mendengar berita kematian menantunya.
Keadaan ini dikatakan
- A seperti cacing kepanasan.
 - B bagai dihiris dengan sembilu.
 - C seperti duduk dalam duri.
 - D sudah jatuh ditimpa tangga.

Soalan 31 – 35

Baca petikan cerpen di bawah dengan teliti, kemudian jawab soalan-soalan yang berikutnya.

Semasa di awal darjah enam adik tiba-tiba mewartakan satu hasrat yang tidak terduga. Betapa gelabahnya kami. Pipi cengkung bonda dibasahi air mata. Adik telah membakulsampahkan impian bonda. Adik telah mencincanglumatkan jantung bonda.

“Adik nak berhenti sekolah. Bosanlah kena belajar selalu. Mana boleh paksa-paksa. Adik meluat betul dengan buku-buku dan cikgu yang semuanya garang!” begitulah benturan ayat adik. Selamba.

Saya kepalkan tangan. Saya awasi diri. Saya takut kalau waras saya tidak daya dikekang, akan melayanglah tangan ini.

“Kalau UPSR pun tak sempat nak ambil, nak buat apa? Jadi kuli? Makan tidur makan tidur? Sanggup turun ke bendang? Sanggup menoreh? Atau lebih minat nak jadi kutu merewang?”

“Hoi ... Kak Cik apa tahu? Orang dah malas nak belajarlah! Malas! Tak faham ke? Lagipun, kilangkan banyak? Susah apa? Bodoh sangat!” jerkah adik biadap.

Bonda hanya menggelengkan kepalanya yang beruban.

“Adik ... adik sedarkah keputusan ini boleh hancurkan masa depan adik? Hanya orang berilmu dipandang mulia, nak.” Sopan berhikmah pujukan bonda.

Adik mendengus kasar. Berlalu ke bilik menghempas kuat daun pintu sebagai tanda protes. Ada pendaman impian yang tersimpan di atma bonda. Bonda berhajat menghantar adik ke sekolah agama setelah menamatkan sekolah rendahnya. Bonda mahu adik bergelar Ustaz Mohd. Harraz. Bonda mahu adik mewarisi kealiman suaminya, Lebai Sidi. Bonda mahu adik berjuang hingga ke liang syahid seperti arwah ayahnya.

(Dipetik daripada cerpen “Mutiara Bonda”
karya Osman Ayob dalam antologi *Harga Sebuah Lukisan*,
Dewan Bahasa dan Pustaka)

[Lihat halaman sebelah

- 31 Apakah punca berlakunya pertelingkahan antara adik dengan Kak Cik?
- A Sikap adik yang degil dan melawan kata.
 - B Permintaan adik untuk berhenti sekolah.
 - C Sikap malas adik semasa di sekolah.
 - D Kebiadaban adik semasa menyuarakan keinginan.
- 32 Semua harapan bonda terdapat dalam petikan ini, **kecuali**
- A bonda ingin adik berjuang sehingga mati syahid seperti suaminya.
 - B bonda mahu menghantar adik ke sekolah agama untuk menjadi ustaz.
 - C bonda mahu adik mewarisi kealiman Lebai Sidi apabila dewasa.
 - D bonda ingin adik mendapat keputusan yang baik dalam PMR.
- 33 Antara berikut yang manakah bukan perwatakan adik berdasarkan petikan?
- A Berani menyuarakan keinginan.
 - B Malas belajar walaupun baharu darjah enam.
 - C Tegass dengan pendirian yang telah dibuat.
 - D Sanggup melawan kata-kata bonda.
- 34 “*Kalau UPSR pun tak sempat nak ambil, nak buat apa?*”, kata Jalil.
- Perkataan bergaris dalam dialog di atas menggunakan gaya bahasa
- A repetisi
 - B hiperbola
 - C anafora
 - D sinkope
- 35 Apakah puncak cerita “Mutiara Bonda”?
- A Mohd Harraz meminta untuk berhenti sekolah.
 - B Mohd Harraz terlibat dalam kemalangan jalan raya.
 - C Pondok yang selalu dikunjungi Mohd Harraz diserbu polis.
 - D Mohd Harraz berjaya melanjutkan pelajaran ke Universiti al-Bayt, Jordan.

Soalan 36 - 40

Baca pantun di bawah dengan teliti, kemudian jawab soalan-soalan yang berikutnya.

Pantun Empat Kerat (Muafakat)

Indah sungguh warna pelangi,
Tidak luput hingga ke senja,
Ke lurah sama diharungi,
Usaha bersama membawa bahagia

Sawah padi luas terbentang,
Kuning keemasan indahnya maya,
Percaya-mempercayai asas berpegang,
Barulah muafakat kekal selamanya.

Buah salak di dalam kantung,
Kulitnya keras isinya kelat,
Bulat air oleh pembentung,
Bulat manusia oleh muafakat.

Harum sungguh bunga melati,
Hiasan sanggul amat memikat,
Bertolak ansur hormat-menghormati,
Mengukuh perpaduan, ikatan muafakat.

Turun ke paya memetik kangkung,
Hati-hati terkena getahnya,
Bergotong-royong penduduk sekampung,
Hidup muafakat, hidup bahagia

(Dalam antologi *Harga Sebuah Lukisan*,
Dewan Bahasa dan Pustaka)

Beras segantang sudah disukat,
Lalu disimpan di atas para,
Andai seluruh masyarakat muafakat,
Negara damai, rakyat sejahtera.

- 36 Apakah maksud rangkap ketiga *Pantun Empat Kerat (Muafakat)*?
- A Manusia akan bersatu padu apabila hidup bermuafakat.
 - B Perkara yang dilakukan bersama-sama akan membuahkan kejayaan.
 - C Masyarakat yang bermuafakat akan melahirkan negara yang aman dan sejahtera.
 - D Kerjasama sesama penduduk akan melahirkan kehidupan yang bahagia.
- 37 Antara berikut ialah kepentingan muafakat dalam masyarakat seperti yang dinyatakan dalam pantun ini, **kecuali**
- A dapat hidup bersatu padu dan mengelakkan persengketaan.
 - B dapat mengukuhkan perpaduan dalam kalangan masyarakat.
 - C dapat mengubah kemiskinan hidup dalam kalangan masyarakat.
 - D dapat hidup dalam sebuah negara yang aman damai.

[Lihat halaman sebelah

**Bulat air oleh pembedung
Bulat manusia oleh muafakat**

- 38 Perkataan “Bulat” dalam baris di atas merupakan gaya bahasa
- A hiperbola
 - B metafora
 - C epifora
 - D anafora
- 39 Persoalan yang terdapat dalam rangkap kelima pantun di atas ialah
- A sikap saling mempercayai asas permuafakatan.
 - B kepentingan amalan bergotong-royong.
 - C sikap toleransi mengukuhkan perpaduan.
 - D keamanan negara hasil permuafakatan.
- 40 Antara berikut, yang manakah **bukan** pengajaran yang terdapat dalam pantun ini?
- A Kita haruslah bekerjasama dalam melakukan sesuatu pekerjaan.
 - B Kita perlulah saling mempercayai antara sesama manusia.
 - C Kita mestilah selalu mengadakan aktiviti gotong-royong.
 - D Kita hendaklah bertolak ansur dalam segala tindakan.

KERTAS SOALAN TAMAT